

Broj:03-37-7191/17  
Datum: 20.09.2017.god.

Na osnovu člana 5. Pravilnika o načinu ostvarivanja prava na slobodan izbor doktora medicine i doktora stomatologije primarne zdravstvene zaštite u Unsko-sanskom kantonu (Sl.glasnik USK-a 17/16), i na osnovu Odluke Ministarstva zdravstva, rada i socijalne politike broj 09-37-9409-1/17, Zavod zdravstvenog osiguranja Unsko-sanskog kantona objavljuje

#### **J A V N I P O Z I V**

**svim osiguranim licima da izvrše izbor/promjenu doktora medicine i doktora stomatologije primarne zdravstvene zaštite do 30.09.2017.godine**

#### **Izbor/promjena doktora medicine i doktora stomatologije**

Osigurano lice vrši izbor/promjenu doktora primarne zdravstvene zaštite popunjavanjem Izjave o izboru/promjeni izabranog doktora koju preuzima u ordinaciji doktora kojeg želi izabrati. Osigurano lice bira doktora primarne zdravstvene zaštite prema mjestu prebivališta u najbližoj ambulanti porodične medicine u ugovornoj zdravstvenoj ustanovi. Osigurano lice i svi članovi porodice, u pravilu, biraju istog doktora medicine i doktora stomatologije.

Promjena izabranoga doktora može se izvršiti nakon isteka godine dana od dana njegovog izbora ili tokom godine dana u posebnim slučajevima.

Popunjenu i ovjerenu Izjavu izabrani doktor, odnosno ugovorna zdravstvena ustanova dostavlja nadležnoj poslovnicu Zavoda zdravstvenog osiguranja koja vrši registraciju osiguranog lica kod izabranog doktora. Jedan ovjerene primjerak Izjave poslovnica Zavoda dostavlja izabranom doktoru, a kod promjene izabranog doktora dostavlja se i dotadašnjem izabranom doktoru i novoizabranom doktoru.

Kada evidentiranje i ovjeru podataka o izbori ili promjeni izabranog doktora nadležna poslovница ne može provesti, dužna je o tome obavijestiti osigurano lice i ugovornu zdravstvenu ustanovu, navesti razloge i dati upute za dalje postupanje.

#### **Početak korištenja zdravstvene zaštite kod izabranog doktora**

Osigurano lice može početi koristiti zdravstvenu zaštitu kod izabranog doktora od datuma evidentiranja i ovjere podataka iz Izjave, a najkasnije roku od 10 dana od dana potpisivanja Izjave. Dotadašnji izabrani doktor, odnosno ugovorna zdravstvena ustanova nakon prijema Izjave dužna je odmah, a najkasnije u roku od 5 dana dostaviti zdravstveni karton osiguranog lica novoizabranom doktoru.

**Osigurana osoba može izvršiti promjenu izabranog doktora unutar roka od godinu dana samo u slijedećim slučajevima:**

- a) ako promjeni mjesto prebivališta, odnosno boravka
- b) ako izabrani doktor prestane raditi u ordinaciji ili prestane biti ugovorni doktor
- c) ako su poremećeni međusobni odnosi između osiguranog lica i izabranog doktora koji onemogućavaju daljnje liječenje
- d) ako se osigurano lice opredjelilo za izabranog doktora koji ima više registriranih lica od maksimalnog broja utvrđenog posebnim propisima
- e) ako se osigurano lice opredjelilo za izabranog doktora koji nema status ugovornog doktora Zavoda jer se za njega opredijelio manji broj osiguranih lica od najnižeg broja utvrđenog posebnim propisima
- f) ako osigurano lice u pisanom podnesku izjavi da je evidentirana kod izabranog doktora bez svog znanja

Promjena izabranoga doktora u slučajevima a), b), d) i e) vrši se po istom postupku kao i kod izbora /promjene doktora medicine i doktora stomatologije.

U ostalim slučajevima odlučuje posebna Komisija koju imenuje Zavod, u roku od 8 dana od dana prijema zahtjeva.

**Izabrani doktor ima pravo odbiti izbor osiguranog lica u sljedećim slučajevima:**

- a) ako broj opredjeljenih osiguranih lica prelazi maksimalni broj utvrđen posebnim propisima
- b) ako su između izabranog doktora i osiguranog lica poremećeni međusobni odnosi koji onemogućavaju daljnje liječenje

**Izbor doktora se vrši na osnovu ponudene liste doktora medicine i doktora stomatologije nadležnog Doma zdravlja verificirane od strane Ministarstva zdravstva, rada i socijalne politike.**

**PRILOG:**

- 1. Odluka Ministarstva zdravstva, rada i socijalne politike



Dostavlja se:

- 1. svim Domovima zdravlja USK-a
- 2. poslovnicama Zavoda
- 3. web stranica Zavoda
- 4. u spis
- 5. a/a